ЧУСТ ТУМАНЛАРАРО ИҚТИСОДИЙ СУДИНИНГ АЖРИМИ

(даъво аризасини кўрмасдан қолдириш тўғрисида)

Чуст тумани

2024 йил 19 декабрь

судья: А.Шокиров

Чуст туманлараро иқтисодий суди, судья А.Шокиров раислигида, судья ёрдамчиси Я.Соатовнинг котиблигида, даъвогар – «Тўраев Музаффар Мухиддинович» фермер хўжалиги манфаатида Тўрақўрғон туман фермер, деҳқон хўжаликлари ва томорқа ер эгалари кенгашининг жавобгар «Namangan to`qimachi cluster» МСНЈ ҳисобидан жами 245.427.936 сўм ундириш тўғрисидаги даъво аризаси бўйича юритилган ишни кенгаш вакили О.Дадамирзаев (ишончнома асосида), даъвогар вакили Ш.Исмаилов (ишончнома асосида), жавобгар вакили Р.Усманов (ишончнома асосида) иштирокида, Чуст туманлараро иқтисодий суди биносида бўлиб ўтган очиқ суд мажлисида кўриб чиқиб, қуйидагиларни

аниқлади:

Тўрақўрғон тумани фермер, деҳқон хўжаликлари ва томорқа ер эгалари кенгаши «Тўраев Музаффар Мухиддинович» фермер хўжалиги манфаатида Чуст туманлараро иқтисодий судига даъво аризаси билан мурожаат қилиб, жавобгар «Namangan to`qimachi cluster» МСНЈ ҳисобидан 17.651.340 сўм пахта нархидаги тафовут суммаси, 195.764.257 сўм Бухоро-102 пахта нави учун белгиланган 1.15 рағбатлантирувчи коэффицент ҳамда тўлашдан бош тортган қарздорликнинг 15 фоизи миқдорида 32.012.339 сўм жарима жами 245.427.936 сўм ҳамда тўланган суд почта харажатлари ундиришни сўраган.

Суд мажлиси мухокамасида кенгаш ва даъвогар вакиллари даъво талабларини кувватлашди.

Жавобгар вакили даъвони тан олмай, рад этишни сўради.

Суд, ишдаги мавжуд хужжатларни ўрганиб, тарафлар вакилларининг тушунтиришларини тинглаб, қуйидаги асосларга кўра даъво аризасини кўрмасдан қолдиришни лозим деб топади.

Ўзбекистон Республикаси Иқтисодий процессуал кодекси (бундан буён матнда ИПК деб юритилади)нинг 107-моддаси 9-бандида, жавобгарга нисбатан тўловга қобилиятсизлик тўғрисида иш қўзғатилган бўлса ва жавобгарга нисбатан тақдим этилган талаб қонунга кўра тўловга қобилиятсизлик тўғрисидаги иш доирасида кўрилиши лозим бўлса, суд даъво аризасини кўрмасдан қолдириши назарда тутилган.

Аниқланишича, Чуст туманлараро иқтисодий судининг 2024 йил 12 ноябрдаги 4-1603-2402/4200-сонли ажрими асосида жавобгар «Namangan to`qimachi cluster» МСНЈга нисбатан тўловга қобилиятсизлик тўғрисида иш

қўзғатилган ҳамда кузатув таомили жорий этилган. Ҳозирда кузатув таомили якунига етмаган.

Шу асосда, суд жавобгарга нисбатан тақдим этилган талабни қонунга кўра тўловга қобилиятсизлик тўғрисидаги иш доирасида кўрилиши лозим деб ҳисоблаб, даъвогарнинг даъво аризасини кўрмасдан қолдиришни лозим топади.

«Давлат божи тўғрисида»ги Ўзбекистон Республикаси Қонуни 5-моддасининг 2-бандига кўра, ишларни иқтисодий судларда кўриб чиқилиши юзасидан давлат божи ундирилиши, ИПК 118-моддасининг биринчи қисмида суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилиши белгиланган.

Ушбу холатда давлат божи харажатлари даъвогардан ундирилиши, 18-бандига, Ўзбекистон бирок Конун 9-моддаси фермер, хўжаликлари эгалари кенгаши, ва томорка ep Корақалпоғистон Республикаси, вилоятлар ва туманлар фермер, деҳқон хўжаликлари ва томорқа ер эгалари кенгашлари — фермер, дехқон хўжаликлари ва томорқа ер эгаларининг манфаатларини кўзлаб қилинган даъволар юзасидан, иқтисодий судларда давлат божини тўлашдан озод қилингани боис ишни кўриб чиқиш билан боғлиқ давлат божи харажатлари ундирилмаслиги лозим.

Бинобарин, суд Ўзбекистон Республикаси Иқтисодий процессуал кодексининг 118, 128, 165, 176, 177-моддаларини қўллаб,

АЖРИМ КИЛДИ:

Тўрақўрғон тумани фермер, деҳқон хўжаликлари ва томорқа ер эгалари кенгашининг «Тўраев Музаффар Мухиддинович» фермер хўжалиги манфаатида киритган даъво аризаси кўрмасдан қолдирилсин.

Мазкур ажрим устидан у қабул қилинган кундан эътиборан бир ой ичида апелляция ёки қонуний кучга кирган кундан эътиборан олти ой ичида кассация тартибида Наманган вилоят судининг Иқтисодий ишлар бўйича судлов хайъатига ишни биринчи инстанция судида кўрган суд орқали шикоят қилиниши (прокурор протест келтириши) мумкин.

Раислик қилувчи

А. Шокиров

